


歷代 日記叢鈔



學苑出版社

歷
代
日
記
叢
鈔

第一五四冊



光緒庚子之歲拳匪煽亂糜爛京師蔓延燕魯聯軍東來六飛西狩於是莊嚴燦爛之首都至於市廛震驚閭閻殘破而春明選佛之場亦燬於兵越三年癸卯舉行辛丑壬寅恩正併科禮部會試乃指定河南開封試院爲各省舉子集試地點吾蘇由蘇至豫計有水陸兩途維時京漢鐵路尙未通車僅有材料車可附陸行者須至金陵道出浦口過馬盤山等處由鄂入豫殊感不便余與同人集商至再僉以陸行之勞不若水程之逸乃乘江輪抵鎮江預雇民船渡江自揚州而邵伯而清江出洪澤湖歷五河懷遠蒙城渦陽以達於亳州自毫起旱行四十里入河南歸德府境經過柘城睢州杞縣陳留以達於汴梁是役也以自蘇入皖水道奇涸故節節稽遲乃至逾月頗有慨於蘇皖水利之不修益覺導淮治湖（洪澤湖）之舉實今日治蘇治皖要政爲兩省當局所亟應注意者也至於沿途風景之佳同舟友朋之樂時逾廿稔事過情遷風流雲散滄桑萬變誠有非意想所能預料者繙閱此冊恍如隔世付之手民排印聊爲雪泥鴻爪之留蓋不勝今昔之感已

中華民國十五年歲次丙寅十一月澹庵氏自序

癸卯汴試日記

二月朔日晴晨鉤稽行李十一點鐘金君康伯舟人來下行李畢坐人力車至獅子口始覺忘攜咨文乃停舟返取至三點鐘達青陽地卽往君星昭並別回至小輪已四點鐘矣開船時小雨至夜轉大是役也同伴六人約乘民船至亳州起旱陸君守墨管君君謨孫君汝楫陸君棟威於前月廿八日坐民船由內河先行余與康伯至申地辦書期至鎮江會集

初二日雨天明距申僅三十里許至九下鐘抵碼頭坐人力車同康伯住甯波路蔣同泰棧康伯弟仲翼相欸殷勤至爲周到往訪陳君星昭並謁顧緝廷表伯蒙贈贖八元受之飯後至同芳啜茗卽歸寓

初三日晴晨至一壺春啜茗遇見陳君伯申及陳徒慎之略談陳徒約晚間觀劇因時已局促辭之茶畢往謁楊彝卿觀察未遇星昭約同至新中國書社揀定各書督其裝好夜仲翼餞別

初四日晴晨往一壺春遇陶君簪杏渠與潘君菊士同行走清江須初六動身至鎮江茶畢卽返廬因輪船房艙尙未舒齊往謁顧緝庭表伯請其設法乃由緝老派袁君仲蔚同到船上向帳房商量始得之夜回廬飯畢雇小車將書箱送下輪船卽同康伯押之下船船名江永買辦陳子祥當余等下輪部署行李畢後康伯在艙小憩余則散步各處及歸艙康伯謂已託茶房買票余恐有悞康伯謂無慮也頃先將茶壺交茶房泡茶若係贗者則銀攀茶壺先不翼而飛矣余乃至賬房詢問則並無人代我等買票且謂此時船尙未開茶房不來招呼喚真茶房至果非此人人心險詐出門之難如此

初五日陰雨輪船早二點鐘始開午後三點鐘抵通州小泊上客卽開行二十數里遇大霧拋錨停輪至夜一點鐘復開

初六日陰晴輪船至十點鐘抵鎮江碼頭安放行李於三義公棧管君君謨來知民船已到泊招商碼頭既而陸君守墨孫君汝楫陸君棣威俱至在廬小憩卽發行

李下船四點鐘用江船拖帶過江瞬息卽達是夕宿瓜步寒甚

初七日雪陰晨起知昨夜雪甚大天明尙未止憶吾蘇公車有走浦口者須過馬盤山小車軋行風雪中與吾輩擁衾危坐歡呼劇飲其勞逸何如午後四點鐘抵揚州同人相將入朝貴門游覽余交信局寄上海新中國洋信並發家函

初八日晴光大放然天氣尙寒水淺候潮至十一下鐘始開行行里許卽停据船戶云須晚潮方開水淺舟重恐終不免陸行之勞也是日稍編美史譯稿苦於文法鉤輊不易下筆僅得數十行耳

初九日晴晨起知舟甚擁擠仍不能開忽有張君叔鵬來條一紙約公車四舟同函江都吳大令式最託其派差役數人排擋疏通蓋渠等適於昨日來亦擠於此故相約公請爲此出擠之舉也旋得吳令覆信知己派役排擋同人以事已舒齊乃欲至揚城暢游攜一舟子一僕人同進東門至綠野茶社啜茗壁上王榮章畫松鷹一幅神彩飛動翫賞久之幾欲坐臥其下茶能復至校場一游

猶蘇州之元妙觀也

復入

九如分座吃麪薄暮欲歸覓舟子僕人杳如黃鶴乃出城至原處覓舟繞岸呼之
了不可得詢岸上居人云有考船已過去仍回至城門口舟子兩人乃在此相俟
欣喜之至迺隨舟子至五台山下渡浮橋下船是日也約計共行二十餘里同人
咸呼足痛余亦倦憊不支矣

初十日晴風略順十二點鐘舟至邵伯鎮稍停卽開至高郵宿夜

十一日晴晨起至十一點鐘至清水潭又遇小擠仍由高郵州派差排擋疏通至陸
官閘宿夜

十二日晴風順三點鐘至寶應又行廿里宿金湖

十三日晴風大順片帆直抵清江僅二點鐘同伴中惟管君君謨以慈命諄囑不得
起旱適遇順風無須易舟而陸僉謂管君有中兆余贈以詩曰片帆風順達清江
天意殷勤送客艤應有奇文待王勃管君健者筆能扛

十四日晨雨卽止行五里許過頭閘閘壘石爲之當水衝以殺水勢上架木梁可以

曳動舟行泝流而上須藉人力牽挽閘外兩岸置絞車無數盤以篋輦以簠一端緊繫船頭將軍柱上四旁亦皆以簠挽之閘夫手一鑼鳴之則衆絞車一齊用力舟始徐徐而進約一刻許出閘舟人燃鞭砲致慶又行五里許過二閘亦如之又五里過天妃閘此閘最險勢如建瓴奔湍急流旋水成渦過閘亦較費力岸旁有大王廟一座匾額稠疊皆係歷來漕舟過此藉以誌神貺者廟屋僅十餘椽而香火頗盛舟過此者必進香致敬廟左有一署爲惠濟河政廳公廨茅屋數椽聊蔽風雨而已二點鐘出閘開行風頗順六點鐘泊順河集約十里許以水勢甚溜不能暢行故也

十五日陰風大順行六十里抵洪澤湖口僅十一句鐘耳舟出湖口片帆飛駛大有乘長風破萬里浪之概同人歡呼暢飲相約聯句是日共行一百八十里泊盱眙山下舟大水淺拋錨湖心風狂雨暴浪湧船頭顛簸竟夕寢不成寐按洪澤湖口本極開闊因冬令水涸入春猶未盛漲故兩旁幾成平陸祇中間闊二三丈湖面

可以行舟舟師以篙測之不過二尺餘信乎人言不謬出湖後廣闊無涯而水亦不甚深自湖口行六十里至老子山又六十里至盱眙過盱眙六十里名華仙嘴洪澤至此止矣然亦廣闊蓋接淮湖也

附聯句十六韻

四顧天空闊

康

洪湖一葉舟鴻毛今遇順

伯

犀角此分流聲挾雷霆壯

康

波搖日月浮遠山飛一點

守

寒氣逼三秋酒膽衝愁陣

伯

鄉音望客郵倚橈呼老子

自

洪

澤湖口至老子山六十里

橫槊賀陽侯神助疑王勃

康

詩成傲陸游清談時剪燭

守

雅謎偶藏

鉤史稿餘間譯

康人名絕對搜疑年編齒錄

君

賭彩點牙籌破浪情懷愜

汝

吞雲

氣味投酣歌大亦笑

君

高臥客無愁轉隣狂風急

康

凝眸細雨稠篷低收絡索

伯

水滴濕衾稠

汝

已慶鄰華嘴

汝

何憂阻石尤

白

盱眙

至

雙溝

亦

祇

六十

里

白

此

以上

華仙

人

力可施無慮風水不順矣

明朝挂帆疾

康

定許達雙溝

汝

十六日雨東北風大作舟行作經摺勢自清晨開行六十里至華仙嘴因風狂浪湧

隨即停泊時正午刻

十七日陰風從西北來舟不得進巖岸株守而已

十八日陰風仍不順晨有微雪午後小雨竟日株守無聊之室

十九日陰風稍息自華仙嘴開行略受橫風張帆而進行六十里至雙溝時已四點鐘矣出雙溝行三十餘里至壺山泊夜

二十日陰晴自壺山開行三十里抵五河有鹽卡查艙略停片刻風小曳繹而行甚覺遲滯薄暮泊夾溝距臨淮尚有六十七里夜三鼓大風忽起船震撼可危

廿一日陰狂風未絕撲面而來舟子曳繹者阻風不得進停舟以待風息乃候至午刻風勢未衰只得雇繹夫四名衝風逆流而上蹇緩如登山之難約行三十餘里至毛家灘宿夜

廿二日晴風順行二十五里至臨淮關討關而過復行八十里停泊距懷遠尙十二里

一〇
廿三日晴九點鐘抵懷遠討關而過暫停片刻隨即開行春水蕩漾一碧如油惜無好風相送舟行頗遲約三十餘里至雙溝集停泊距蒙城尙有一百廿里自蒙城至毫城有二百里也

廿四日晴三鼓卽開船順風行四十里十點鐘至鉄樹園水勢淺涸舟膠不得上衆水手或下水推舟或用力撐篙又有鄰舟之水手及僕人等幫全絞車邪許之聲不絕於耳窮竟日之力始出淺灘已上燈矣

廿五日陰風或順或逆水淺如昨水手盡力合作僅行十餘里据聞蒙城以上有更淺於此者試期已迫恐趕不及同人公議不免於起旱矣是日宿界溝

廿六日陰晴晨自界溝開行約二三里水淺萬不能行乃雇小舟兩艘期至蒙城卸載余與汝楫及兩僕乘其一其一則守墨康伯君謨棣威乘之下午四點鐘抵蒙城天大雨踉蹌登岸風大泥滑幾致傾跌詢之居人知該處並無驢車客店與豕牢無異不能容膝只得仍返小舟欲令此兩舟逕達亳州而舟人不允乃另雇二

小艇是夜余與汝楫守墨卽宿於小艇中抵足而眠偏仄殊甚

廿七日雨稍止以一艇少大守墨過船與君謨康伯棣威同坐余與汝楫及一僕根泉仍坐小艇臥起尺餘地擁擠異常舡棚低矮不能起立出入無門僅有一竇蛇行蒲伏艱苦萬分較之在大船上殊有霄壤之別是日風逆路紆僅行四十里卽泊

廿八日雨竟日舟係破損上漏下滲衣服衾枕盡行漬濕移此挪彼盤旋數尺地避無可避更爲苦極行五十里至渦陽宿夜

廿九日陰風大順昨夜以風逆路紆預遣僕至渦陽署中索繹夫八名幫同今日曳繹以冀速達乃繹夫尙未至等之良久反挫去三十里之好風及繹夫既來張帆前進快捷異常繹夫竭力追隨恒在船後午刻抵苗兒集繹夫恃強索錢聲勢洶湧只得付錢六百揮之使去事機之左一至於此不覺失笑是日行五十里

三十日雨止晴光略放在舟無聊成七古一章題曰自界溝至亳州途中紀事詩午

後五點鐘抵亳州城外適遇張君叔鵬原坐之船停泊於此遂搬行李過船一面

雇定轎車六輛每輛九千文大車一輛十四千文約定明日早行并向船人沽紹酒一罈開

懷豪飲數日積悶爲之一釋

自界溝至亳州途中紀事

膨脝大舟界溝塘水淺如溝舟難航屈指闌期纔旬日六人喧競咸惶惶聚謀桑
下無善策拚嘗艱苦抵汴梁遂更小艇如一葉載書十篋衣數箱期至蒙城舍而
陸或驢或車征程長中途雨細如霖霖達岸風急尤披猖巖灘巉巉泥滑滑投足
不易矧回翔先登健者君謨最繼之二陸偕金康孫孔文弱瞠乎後泥塗躑躅心
傍徨路逢金子顰眉至云無客店無車行須曳衆人盡扶歸甚者傾跌黃其裳欲
呼漁舟共水宿愁雲黯淡天昏黃星火一點漸移近十千索價敢言昂月雇小艇二徑連毫
州計價十千以天有昏黑無可住宿忍貴應之蛇行相率效蘇嫂兔窟差喜營孟嘗夜深一醉共高枕天
明雙槳始連檣習習微風順復逆濛濛細雨輕且颺幾回白點濕布被一片紅潮

漬繩牀我行遲遲五十里暝色四起雲蒼茫擬向舟子詢村名舌橋不下語難詳
兩宵拳曲睡復起囚首被髮如狂狂繯夫負繯衝風去九牛二虎抵渦陽準備明
朝添健足至者八人皆雄強天公驀地憐王勃要顯奇文助馬當片帆相送疾於
箭汗流八繯走且僵瞬息徑達苗兒集羣繯爭錢如犬羊理論勢禁窮吾技彼蠢
不服抵唇鎗六百青蚨任飛去拖錨脫繯如逃亡千金一刻無處買坐此反悞好
風光羣繯俱散風亦止破帆蕩漾水中央十二里程抵裴窩地名裴家窩數椽茅屋殊
荒涼臥聽篷背仍浙瀝晴雲何處遠難望舟人曉起忽相慶旭日隱隱窺扶桑閉
艙黑漆殊不信推篷一笑眉飛揚晨餐過午且坐待腹鳴轆轤轉飢腸徒羨棗糕
祀九烈空思秫酒飛一觴僕夫從旁相慰藉指顧亳州恣徜徉約束行裝盼登岸
詩成一卷投奚囊

附孫君汝楫舟中同作

吁嗟行路難天公不我穀云何潭水深無乃同鮒涸大舟不得前且向小舟伏行

行抵蒙城突來風雨惡路滑岸巉巖笑我泥塗辱馮煖出無車張融處無屋進退
實狼狽權雇漁艇宿燈火暗無光疑入狴狴獄膝鉤如鷺拳項曲如魚縮冷意指
頭侵腥穢鼻端觸小飲無杯盤促坐雜主僕短髮亂於麻飢腸轉若轂大類楚鍾
儀南冠而縶縛又類蘇季子敝貂鰲面目相對各無言沈沈春睡足舟子攪夢醒
雙槳盪波綠舟婦下篷來鶯聲頗不俗掉頭一迴顧奇醜乃鹽嫖意緒太無聊朔
風面相撲飛雨逼船頭點滴漬衾褥危坐漏舟中酣歌興不作晨昏已閱三光陰
何迅速安得舟如斯瞬息達潁亳

三月朔日晨雨九點鐘上車雨漸止行二里許過浮橋卸去牲口挽車而過車係雙
套駕轅者以車槓置其背上前導之驢以兩繩繫轂端用力較輕人坐車中只可
盤膝兩腿痠麻異常遇車轍較深處震撼傾側左右相擊一路積潦未退車行泥
塗頗爲艱滯水深處或五六寸七八寸一路汨汨之聲不絕於耳臥車箱中聽之
恍若在洪澤湖中乘風張帆波濤澎湃也行四十里至界首出安徽界入河南歸

德府復行十里至王家宿站時纔三下鐘客店如牛棚如豕牢泥滓齷齪殆難容足支木榻三承以蘆簾已稱高鋪此等店並無飯食名爲乾店吃冷蒸饅數個聊以充飢後問附近麪鋪情商以百錢賃鍋煮粥腹中始有煖氣坐甫定有桀黠車夫數人進內高坐臥榻聲言支錢告以已付大半餘俟到汴再支彼等置若罔聞並以明日不走之說相爲挾制在客途只可忍受擇其中馴者一人許以逐日付錢始爲了事是夜雨聲淅瀝徹夜不止

初二日雨止四點鐘上車既無熱水洗臉亦無食物充飢同人各懷冷鷄子數枚忽忽登車至十一點鐘至柘城打尖屋頗修潔較勝昨宿洗臉吃茶及炒肉絲薄餅已覺舒服稍憩仍上車行四十五里宿夜是日共行百餘里距睢州四十里

初三日晴四鼓上車破站走十一點鐘至睢州打尖五點鐘宿杞縣縣令潘守廉送菜一席却之是日計行一百三十里

初四日晴破站走行六十里陳留縣打早尖四點鐘抵汴城前月杪連日積雨城中